

《印光大師文鈔選讀》 補充講表

◎附表四：

※痛念無常

蕩益大師於《佛遺教經解》云：「無常有二：一者，一期生滅，為麤；二者，念念生滅，為細。」

《印光大師文鈔精華錄》云：「既得往生，則蓮花化生，無有生苦。純童男相，壽等虛空，身無災變；

老病死等，名尚不聞，況有其實？追隨聖眾，親侍彌陀，水鳥樹林，皆演法音，隨己根性，由聞而證；親尚了不可得，何況有怨？思衣得衣，思食得食，樓閣堂舍，皆是七寶所成，不假人力，唯是化作；則翻娑婆之七苦，以成七樂。至於身則有大神通，有大威力；不離當處，便能於一念中，普于十方諸佛世界，作諸佛事，上求下化。心則有大智慧，有大辯才；於一法中，遍知諸法實相，隨機說法，無有錯謬；

雖說世諦語言，皆契實相妙理。無五陰熾盛之苦，享身心寂滅之樂；

故經云：無有眾苦，但受諸樂，故名極樂也。」

※極樂世界，乃阿彌陀佛……隨心所現不思議稱性莊嚴之世界

《大乘止觀法門》云：「性依熏起，顯現淨土。」

※結勸

知苦（果）——三界六道

*願離娑婆

斷集（因）——見思惑及有漏業

慕滅（果）——極樂世界

*欣求極樂

修道（因）——信願行

《徹悟禪師語錄》云：「有禪者問曰：一切諸法，悉皆如夢。娑婆固夢也，極樂亦夢也；既同是一夢，修之何益？予曰：不然，七地以前，夢中修道。無明大夢，雖等覺，猶眠；唯佛一人，始稱大覺。當夢眼未開之時，苦樂宛然。與其夢受娑婆之極苦，何若夢受極樂之妙樂！況娑婆之夢，從夢入夢，夢之又夢，展轉沈迷者也。極樂之夢，從夢入覺，覺之又覺，漸至於大覺者也。夢雖同，所以夢者，未嘗同也。」

《蕩益大師淨土集》·法語云：「夫依對待而論：娑婆活計，添夢者也；求生淨土，醒夢者也；不可不求生也。依絕待而論：惑業感於三界，惡夢也；念佛生於淨土，好夢也；亦不可不求生也。」

○《佛說無量壽經》卷下云：「諸佛告菩薩，今覲安養佛，聞法樂受行，疾得清淨處。至彼嚴淨國，速得神通，必於無量尊，受記成等覺。其佛本願力，聞名欲往生，皆悉到彼國，自致不退轉。」

※菩提心者，自利利他之心也。……其消業障，增福慧，非平常福德善根之所能比喻也。

○《大智度論》卷七云：「復次，莊嚴佛世界事大，獨行功德不能成故，要須願力。譬如牛力雖能挽車，要須御者，能有所至；淨世界願，亦復如是。福德如牛，願如御者。」

問曰：若不作願，不得福耶？答曰：雖得，不如願；願能助福，常念所行，福德增長。」

※信則信我此世界是苦，信極樂世界是樂；……佛必垂慈接引，令生西方。行則至誠懇切；無令暫忘。

○善導大師於《觀經四帖疏》卷第四云：「

一者，至誠心：至者，真；誠者，實。欲明一切眾生身口意業，所修解行，必須真實心中作。不得外

現賢善精進之相，內懷虛假。

二者、深心：即是深信之心也。亦有二種：

（一者）、決定深信自身現是罪惡生死凡夫，曠劫已來，常沒常流轉，無有出離之緣。

（二者）、決定深信彼阿彌陀佛四十八願攝受眾生，無疑無慮。乘彼願力，定得往生。」